

РЕСПУБЛИКАНСКИЙ КОНКУРС ТВОРЧЕСКИХ РАБОТ
«ВО СЛАВУ ИНГУШЕПТИ РОДНОЙ»



СОЧИНЕНИЯ

**Аллаха доламца
къаьга Г1алг1айче**

*Ученика 10 «А» класса
ГКОУ «СОШ №5 с.п. Новый Редант»
Малгобекского муниципального района
Республики Ингушетия
Льянова Магомеда Микаиловича*

*Руководитель: Льянова М.Х. – учитель
ингушского языка и литературы*

Мехкарий хозал, к1антий дена1.

Къоаной хъаькъал, дунен беркат.

Из деррига а хьоца да,

Са хъамсара Г1алг1айче!

Хамхоев Д.

Я Аллах1! Дала, х1ара къаман доккха з1амига дар, аьнна къоаста ца деш, лаьттан дакъа деннад 1а, мотт беннаб, г1улакх-оамал деннад, 1а шийна еннача Къулбаседа Кавказе эгтара хозаг1а йолча беркатеча моттиге улл са Г1алг1айче Кавказа дог да из, йоккхача Россе – дакъа да из, вай къаман – са да из!

Дуккхаза нийслу, шоашта дезаденнача х1аман сурт дуллаш, вай хозача дег чура тайжжа доаг1а дешаш доладеш, х1аьта цхъаккха къоалам тоаргбац аьнна хет сона са Г1алг1айче хьоцара безам бувца.

Хьоцара са безам

Бувцалац къоалама.

Мала варгва сона-м хац

Хъа хозал йийца.

Хамхоев Д.

Цхъа хоза, безаме маьлхара мукъам боаг1ача дешашца йолае безам бар са сай сочинени Даьй – мохк... Ма доккха, ма к1оарга ма1ан да цу деша! Из кхетадеш, ший Даьй – мехка сийле йовзаш, бизза цун хам беш вар ираз долаш ва аьнна хет сона.

Ираз – лаьча дах со ваьча,

Жовхъара ганз я са Даьхе.

Селлара тейна Даймохк хилча.

Мишта аргда, вац со в1аьхий

Иризхан.

Вай Даъй – мехка хозал, сийле ювцаш дош говзеи, малан кӀоаргеи долаш яздаъд вай
йоазонхоша.

Хьо Дунен Ялсмале!
Далла бу аз хоастам.
Хьо сайна ялара
Бергба даим теркам.
Хьо маърша хилийтара.

Я Аллах! Даъла ма хоза хьакхеллай 1а са ГӀалгӀайче! Хозъяъ, тоаяъ хьаеннай 1а тхоана
тха хьамсара, мах баъ варгвоаца тха Даъхе – ГӀалгӀайче!
Вай мел боккха ког, мел дер, ший деррига вахар ший Даъхен дӀадала деза. Замангара –
заманга, шерагара – шерага мел йоал ГӀалгӀайчено гарга увз ший сийрда кхоане.

Дошо малх хилба хьежаш,
Дуненна хозле сийрда йоахаш.
Бийсанна бутт хилба кьегаш
Кхоаненга наькъаш доахаш.

Б. Гамтов

ХӀана аьлча вай хӀаравар ший халкъ бахьан дунен чу вахар а, кьувсар а, адамий ираз
бала кхайкабара, наха юкье дикагӀдар – хозагӀдар доаржадара, ший мехках хьерчаш
хила веза.

Наьнах бер мо мехках хьийрчар.
Иразо кьоагаву.
Мехках кьехкаш юстар гӀийртар
Асаро воагаву.

А. Костоев

Укх дешаш шоай тайпара ма1ан да, ший мехка вахар-м, з1амига дега-г1оз шийна хилча,
ший мехкахоща из екъа а екъаш, цу т1аг1оллара кхы а ч1оаг1аг1а г1ад а водаш, хила
веза х1аравар, х1аьта ший мехках къехкаш лелачун ираз хургдац аьнна хет сона а.
Ше мел ваха лаьттан т1а лар юташ хила веза, т1ехьено из къоабалъергйолаш.

Лаьттан т1а юта лар
Т1ехьено къоабалъеш,
Кхоаненна эшаргдар
Хьинаре дебадеш.
Ва хилча лов сона
Лелилга лов сона

Х. Осмиев

... Вай лоамашкара шак1а санна ц1ена дола шийла шовда, лаьттан чухь кхы 1е ца могаш,
лаьттана юха ца къовладуш, ший хьоанал, ший беркат адамашта д1адалар духъа маьлха
дувлаш санна Г1алг1айче хозъеш, Даьй - мехка хозал, сийле лоръеш хъавоаг1а вай
хьамсара мехка да Евкуров Юнус-Бик.

Сага кара дац паччахь хила
Дала вайта из веце!
З1амига, воккха оарцаг1даьнна,
Цунна г1о де хъажа деза вай!

Тамасханова Ф.

Хоза арабаьнна малх санна, йоаг1а са Г1алг1айче. Д1ахъажача гу вайна зизашца кхаьла
1абий гув, екаш я беркате аренаш, лоамаш, вай г1алаш, вай сийдола г1ала Маг1албик,
иштта г1ала Магас.

Иштта хоза кхаь хилар вайна. Олимпийски ц1и вайцига кхоач аьнна. Из ц1и лотае
аьнна хержачарех ва Чахкиев Рахим иштта а кхы а сийдола вай мехкахой .Вай массавар
доккхал деш хила веза из ц1ай вай мехка хиларах.

Цудухъа дикача х1аманга сатувсаш, ц1аккха шоай сий ца доадеш хъабоаг1а са мехкахой.
Вай массахана доккхал де дезаш ба вай спортсменаш: Чакхиев Рахим, Манкиев Назир,
альпинистка Албогачиева Лейла.

Бакъда, ц1аккха гораотташ
Хъай 1а дождаьдац сий.
Кура лоамаш теш а увтташ.
Низа духъаллаьттад вай .

Масса йолча хана дошо малх хъежалба дуне сийрдадоахаш, са Г1алг1айчен!
Яхийла са Г1алг1айче дуне мел латт.

Ди-дене мел доала – овсаре хиле,
Боахама тоал хьо, тха фаъра мохк!
Шу-шере мел доала – хъе канабаъле
Е дуне хозде 1а, ва Г1алг1ай мохк!

Сай сочинени кхоачашгъеш ала безам бар са, са вахар хоза да, сай сила дукхаг1а еза сай
Нана – Г1алг1айче! Даъла раъза волаш бахалба са Г1алг1ай мохк!

Ма эшалба хъона майра к1антий
Хозал енна г1алг1ай мехкарий
Дахалда са къам ханаца то а луш,
Денгара-денга Дала беркат луш.

Дударова М.